



Fai Lou Tui Puipui o le Fulū mo le Tausaga

O tui puipui o le fulū mo le tausaga e saogalemū ma fautuaina mo i latou uma e ta'i 6 masina le matutua ma sili atu.

- O le tele o tagata e na'o le 1 le tui puipui o le fulū i le tausaga e mana'omia mo le puipuiga o i latou mai ma'i tigaina o le fulū.
- O tamaiti mai le 6 masina i le 8 tausaga fa'atoā fai tui puipui i le taimi muamua, pe na'o le tasi se tui o le fulū sa faia, e tatau ona fai ni o latou tui se lua. Afai e mana'omia e lau tama ni tui se lua, galulue fa'atasi ma lau tasi soifua e fai le tui muamua ae lei oo i le vaitau latalata i le malulu. O le faia o lena auala e maua ai lou taimi e fai ai tui puipui uma o le fulū mo lau tama ae le'i fa'ateteleina i le vaitau latalata i le malulu.
- O isi tagata e matuā mama'i tigaina ma tulaga fa'aletonu ona o le fulū. E aofia ai: tagata matutua ta'i 65 tausaga ma sili atu, tamaiti i lalo o le 5 tausaga le matutua, tinā ma'itaga ma tagata e iai ma'i tumau o le tino (e pei o ma'i o le māmā, ma'i fatu, pe vaivai puipuiga fa'alenua o le tino).

O a ituaiga o tui puipui o le fulū o loo maua?

O tui

Mo tamaiti ta i 6 masina fa asolo i tagata matutua ta i 64 tausaga le matutua, e le o iai ni fautuaga mo se ituaiga fa amaketi o tui puipui o le fulū e sili atu i lo le tasi. O tui puipui uma o le fulū mo le 2024-25 e puipuia ma tetee atu i ituaiga vairasi eseese e 3 o le fulū. O fa atulagana o tui puipui e fa afouina pea i tausaga uma ina ia talafeagai lelei ma ituaiga siama sili ona pipisi solo i le taimi nei.

Sipulei o isu

O lenei vailaau e fa'aaogaina i soo se taimi (LAIV), ua fa'atagaina ona fa'aaoga i tamaiti ta'i 2 tausaga aga'i le 49 tausaga le matutua. E le fautuaina lenei ituaiga o vailaau mo tinā ma'itaga, i latou e vaivai puipuiga fa'alenua o tino, tagata matutua atu ma tagata e iai ni manu'a o le tino.

Tui puipui malolosi ma tui fa'aopoopo

O nei tui puipui e afua mai ai se tali malosi mai o le tino i tui. E fautuaina lenei vailaau mo tagata matutua e 65 tausaga le matutua pe sili atu.

O le a taimi sili ona lelei e fai ai se tui puipui o le fulū?

E sili ona faia tui puipui o le fulū i fa'ai'uga o Oketopa i tausaga ta'itasi. O le faia o se tui puipui i se taimi mulimuli e iai pea tulaga lelei, tusa pe ua leva ona pepesi le fulū. Auā o le fulū e pepesi i taimi uma o le tausaga.

Fa'amata oute maua i le fulū mai se tui o le fulū?

E le mafai ona fulū se isi ona o tui o le fulū. O tui puipui e iai vailaau e tapēina vairasi e le toe mafai ona pepesi, poo se vaega ua faia e pei o se vairasi o le fulū i puipuiga fa'alēnatura o lou tino. E ui ina iai le vairasi o le fulū i le vailaau o le sipulei o le isu, ua suia ia vairasi ina ia le mafai ona e maua i le fulū.

E fia le tau o tui o le fulū?

O le tau o tui o le fulū e fesuisuia'i. O le tele o inisia e kavaina ai le tau o vailaau o tui o le fulū. Afai e leai sau inisia pe o fa'aletonu lau inisia, e iai polokalame e mafai ona fesoasoani i le mauaina o se tui o le fulū i se tau maualalo poo le leai foi o se tau. E saunia e le setete o Uosigitone tui puipui o le fulū mo tamaiti e oo atu i le 18 tausaga e aunoa se totogi.

Fa'amata e mafai ona fai so'u tui puipui o le fulū i le taimi e tasi fa'atasi ma isi tui?

loe. E saogalemū le fai o se tui puipui o le fulū i le taimi e tasi fa'atasi ma isi tui. Fa'amolemole talanoa i lau tausī soifua poo se foma'i e fa'atatau i isi tui puipui e ono mana'omia ona fa'afou ai ou tui.

Fa'amata e mafai ona fai so'u tui o le fulū pe afai e patapata lo'u tino mai fuamoa?

O tagata e patapata tino pe a tausami i fuamoa e mafai ona fai soo se tui o le fulū (e fai mai i le fuamoa pe leai foi) e talafeagai mo latou tausaga ma tulaga o le soifua maloloina.

Ua ou ma'i to. E mafai ona fai sa'u tui o le fulū?

O tinā ma'itaga e mafai ona faia soo se tui o le fulū e laiseneina poo se tui o le fulū fautuaina e le'i fa'aaogaina. E le fautuaina le sipulei o le isu pe afai e te ma'i to. E saogalemū le fai o le tui o le fulū i soo se taimi, ae le'i to pe ua fanau. Afai e fai tui puipui o tinā ma'itaga, e mafai ona pasi atu i a latou pepe vailaau e puipui ai mai fa'ama'i. O lenei faiga e fesoasoani i puipuiga o pepe fou mai le fulū mo ni masina ina ua fanau mai, ae le'i oo i tausaga e mafai ai fai o latou tui puipui. O tinā ma'itaga ua fautuaina foi le fai o tui puipui o le COVID-19, Tdap, ma tui o le RSV.

Mo le fia malamalama atili, asiasi i le [FluFreeWA.org](https://www.flufree.org)